

Script of Morning Gojri News Bulletin 24 July 2024 at 1015Hrs

ما رنینگ گو جری نیو ز بلیٹن مو رخہ 24 جولائی 2024

یوہ آکا شوانی جموں بے محمد اکرم چودھری تیں خبر سُنو۔

JK Budget

وزیر خزانہ نرملا سیتھا رمن نے گذشتہ روز 25/2024 مالی سال غو 1 لکھ 18 ہزار 3 سو 90 کروڑ روپیاں غی مالیت غو جموں کشمیر مرکزی غے زیر انتظام علاقہ واسطے بجٹ پیش کیو ہے۔ اس مانہ 81 ہزار 4 سو 86 کروڑ روپیاں غا مالی اخراجات تے 36 ہزار 9 سو 4 کروڑ روپیاں غا سرمایہ غا اخراجات وی شامل ہیں۔ مرکز نے مزید 42 ہزار 2 سو 74 کروڑ روپیہ اس مرکزی بجٹ مانہ جموں کشمیر واسطے مختص کیا ہیں۔ جھیڑا جے 1 عشاریہ 2 فیصد غی پچھلا مالی سال غا مقابلہ مانہ بڑھوتری ہے۔ گذشتہ روز لوک سبھا مانہ وزیر خزانہ نرملا سیتھا رمن غی طرفوں پیش کیا گیا مرکزی بجٹ مانہ 40 ہزار 6 سو 19 عشاریہ 3 کروڑ غی رقم یوٹی مانہ مرکزی امداد غا طور ور مختص کیا ہیں۔ جھیڑا جموں کشمیر مانہ وسائل غا فرق مانہ پورا کرن واسطے بجٹ مانہ رکھیا گیا ہیں۔ اس توں علا وہ مرکزی سرکار نے جموں کشمیر پولیس غی تنخواہ، پنشن تے دوجا لاگت دین واسطے رضامندی ظاہر کی ہے۔ جس واسطے 12 ہزار کروڑ روپیا سالانہ بجٹ مانہ مختص کیا گیا ہیں۔ مرکزی سرکار نے جموں کشمیر واسطے 2 سو 79 کروڑ روپیہ جموں کشمیر قدرتی آفات نال نمڑن خاطر فنڈ غا طور ور مختص کیا ہیں۔ جھیڑا یوٹی مانہ کسے قدرتی قہر غے ویلے نمڑن واسطے استعمال مانہ آویں گا۔ بجٹ مانہ یوٹی غے اندر پن بجلی منصوباں واسطے وی روپیا مختص کیا گیا ہیں۔ اس توں علا وہ بجٹ مانہ 5 سو کروڑ روپیا جہلم تے توی سیلاب تیں بچن واسطے منصوباں غی خاطر دتا ہیں۔ جھیڑا اس سلسلہ مانہ خرچ کیا جا سکیں گا۔ اس توں علا وہ 1 سو 1 عشاریہ 77 کروڑ روپیہ یوٹی مانہ سرمایہ غا اخراجات واسطے مختص کیا گیا ہیں۔

LG JK Budget

لیفٹنٹ گو رنر منوج سنہا نے وزیر اعظم نریندر مو دی تے وزیر خزانہ نرملا سیتھا رمن غو دور اندیش ور مبنی بجٹ 25/2024 واسطے شکریو ادا کیو ہے۔ لیفٹنٹ گو رنر نے کہیو ہے جے بجٹ اقتصادی ترقی نانہ تیز کرے گو۔ تے وکست بھارت غو خواب پورو کرے گو۔ تے نالے کا روبا ر مانہ آسانی تے زندگی مانہ آسانی مانہ اضافو کرے گو۔ لیفٹنٹ گو رنر نے کہیو ہے جے بجٹ روز گا ر، ہنر، ایم ایس ایم ای، درمیانہ طبقہ ور توجو مرکوز کرے تے نال نال آبا دی غا تمام طبقات نانہ با اختیار بنان غی ترجمانی کرے۔

JK Budget Reaction

جموں کشمیر مانہ سماج غا بکھ بکھ طبقات نے مالی بجٹ 25/2024 غو خیرمقدم کیو ہے۔ بجٹ با رے لوکاں غو کہنو ہے جے اس بجٹ نال سب غو فائدو وے گو۔ کیونکہ نوجواناں نانہ ہر مہینے انٹرنشپ تے 5 ہزار روپیہ دین گو اعلان اُن گا مستقبل نانہ سوارن مانہ مدد گا ر ثابت وے گو۔ لوکاں غو مزید کہنو ہے جے حکومت غا اس فیصلہ نال اسٹارٹ اپس نانہ اچھی افرادی قوت حاصل کرن مانہ مدد ملے گی۔

SC NEET

عدالتِ عظمیٰ نے نیٹ انڈر گریجوٹ امتحان 2024 نانہ منسوخ کرن تے دوبا رہ امتحان لین توں انکار کر دتو ہے۔ اس حکم نال ہن انڈر گریجوٹ کو رساں واسطے اج توں پورا بھارت غے اندر سرکار تے نجی میڈیکل کالج مانہ داخلہ کا روائی شروع بو جائے گی۔ چیف جسٹس ڈی وائی چندر چوڈ غی قیادت آلی 3 ججاں ور مشتمل بنچ نے کہیو ہے جے 5 مئی نانہ ہوا انڈر گریجوٹ امتحان غا پرچہ لیک غا سلسلہ مانہ عدالت مانہ دتا گیا مواد تیں یوہ ثابت نہیں ہوؤ جے امتحانی پروچو لیک ہوؤ ہے۔ تاں اس واسطے پورا انڈر گریجوٹ نیٹ امتحان نانہ رد کرنو صحیح نہیں ہے۔

Soldier

گذشتہ روز سویرے ضلع پو نچھ غی قبضہ لکیر ور دہشت گرداں غی در اندازی نانہ ناکارہ بناتاں واں فوج غو اک جوان شہید ہو گیا ہے۔ شہید ہوا جوان غی شناخت

لانس نا ٹک سوہاش کمار غا طو ر ور کی گئی ہے۔ جھپڑو جے پونچھ غا کرشنا گھاٹی
غا بٹل سیکٹر مانہہ گولہ با ری غے دوران زخمی ہو وُتھو۔ اُواں ضلع کپواڑہ مانہہ وی
دہشت گرداں تے فوج غے درمیان تصادم توں بعد تلا شی کا روائی شروع کر دتی گئی
ہے۔ یوہ تصادم گذشتہ شام لولاب علاقہ غا ترموخہ ٹاپ غے نیڑے شروع ہو وُ تھو۔ اس
سلسلہ مانہہ تلا شی کا روائی اج سویرے تیں دوبا ری شروع کر دتی گئی ہے۔ تے مزید
تفصیل غو اجوں انتظار ہے۔

Dismiss

جموں کشمیر غا لیفٹنٹ گو رنر نے بکھ بکھ محکماں غا 4 ملازمین نانہہ نوکری توں
برخاست کر دتو ہے۔ جن مانہہ 2 پولیس کا نسٹیبیل شامل ہیں۔ جھپڑا قوم مخالف
سرگرمیاں مانہہ ملوث پایا گیا ہیں۔ دوجا 2 ملازماں وچوں اک محکمہ تعلیم غو جو
نیئر اسسٹنٹ تے اک محکمہ دیہی ترقیات وچوں ولیج لیول ورکر شامل ہے۔

اس غے نال ہی خبراں غو یوہ بلیٹن ختم ہوؤ۔